

M523: Hugo von Konstanz: Predigten

133r,1 Dise pdie tet v\ins Brvd'
 133r,2 hvogo d' lesemaist' von Constence
 133r,3 von dem lieben vn-
 133r,4 dem gvten sant Johannes
 133r,5 ewangeliste .
 133r,6 Ecce ewangelizo uob\&1 gaudiu-
 133r,7 magnu- . Do nv got
 133r,8 ellv dinch geschvof . do geschvof er
 133r,9 ain iechlich dinch also . dc ez frvht
 133r,10 brehti nach sine- geslehte . vn- da
 133r,11 von do wolte got mensche werden .
 133r,12 dc er vnser menslikvn natvre

133v,1 zvge . in sine gotlikvn natvre .
 133v,2 dc sin menslichv natvre frvht
 133v,3 brehti nah gotlikem geslehte .
 133v,4 Daz erste werk dc got ie gewrchte
 133v,5 nah gotlikem gesleht . dc wc
 133v,6 dc vnse vrovwe von himelrih mvoter
 133v,7 wart vn- doh magit waz
 133v,8 wan si wc ganz vn- lvter an rehter
 133v,9 Reinicheit vn- wc doh mvoet'
 133v,10 Diz mvoese ain gotlich werk sin .
 133v,11 vn- diz gotlich werk wart geworket
 133v,12 an de- gebvrtliche- tage vnsers
 133v,13 herren . Ze de- andern male do

134r,1 wart vns der himel vf getan .
 134r,2 Ze dem driten male do wart ain
 134r,3 mensche gelat ze der himelschv-
 134r,4 wirtschaft . Ze dem vierde- male
 134r,5 do sante dv kristenheit ain kleinode
 134r,6 von de- ertriche vf in den himel .
 134r,7 Ze . v . male do got diz kleinode
 134r,8 gesah . do sant er aine krone
 134r,9 von de- himel her abe vf daz
 134r,10 ertriche . Dar vmbe hat nv dv
 134r,11 kristenheit sant Stephans tach

- 134r,12 geleit zvoe disem hohgezit . daz
134r,13 hat si dar vmbe . dc vns allen
- 134v,1 der himel wart vf getan mit
134v,2 d' gebvrt vnsers h'ren . also sant
134v,3 stephan der himel wart vf getan .
134v,4 do er stvont in siner martir .
134v,5 An dem driten tage so begat ma-
134v,6 sant Ioh-s tach . wan in vnser h're
134v,7 selbe ladte mit sinen brvoedern ze
134v,8 der himelschvn wirtschaft . vn-
134v,9 erschein ime vor . in gotlich' vn-
134v,10 in mensliker natrue . do er dennoch
134v,11 wc in totlikem bilde . vn- sprach
134v,12 zvoe ime . "Kvm her min lieber vn-
134v,13 min geminnet' . wan ez ist zit
- 135r,1 dc dv wirtschaft habest mit
135r,2 mir . vn- mit dinen lieben
135r,3 brvoedern ." Da von ist sin tach geleit
135r,4 zvoe dem gebvrtliche- tage
135r,5 vnsers herren . wan wir sien alle
135r,6 gelat mit der gebvrt vnsers h'ren .
135r,7 ze der himelschvn wirtschaft .
135r,8 An de- vierde- tage . so begat
135r,9 man der kindelin tage . die ir
135r,10 blvot gvzzin vnschvldechliche
135r,11 fvr vnsern h'ren . Dc was dc kleinode
135r,12 dc dv kristenheit sante vo-
135r,13 dem ertriche vf in dc himelrich
- 135v,1 Diz kleinode betvtet vnserv gvoeti-
135v,2 werch die dv kristenheit sendet
135v,3 allv zit fvr den almehtigen got .
135v,4 An dem fivnften tage so begat
135v,5 man sant Thomas tach d' die martir
135v,6 vnschvldechlike lait dvr den
135v,7 namen vns's h'ren . Dar vmbe
135v,8 sant im got ein krone von de-
135v,9 himelrich her abe . Bi dirre krone
135v,10 ist betvtit der lon . den vns
135v,11 got wil gen vmbe vnserv gvoetin
135v,12 werk . vn- dar vmbe het ma-
135v,13 diz heiligen tach geleit zvoe dem
- 136r,1 gebvrtlikem tage vnsers herren .
136r,2 wan allv vnserv gvoetin
136r,3 werk frvhtber sint worde- vo-

136r,4 d' gebvrt vnsers h'ren . "Ecce
 136r,5 ewangelizo uob\&l gaudiu- magn- .
 136r,6 Sehent alle her . ich predion iv
 136r,7 ain groze vrovde dc vns geborn
 136r,8 ist ain behalter in d' stat davides ."
 136r,9 Dise pedige tet der engel
 136r,10 den herten die ir sweige hvoeton
 136r,11 vf dem velde in der naht
 136r,12 do got geborn wart . War vmbe
 136r,13 pdigot dirre hovhe p-dier

136v,1 disv vroliken mer den hvotern
 136v,2 fvr alle and' lvte . Daz tet er dar
 136v,3 vmbe dc er vns da mitte lerti
 136v,4 dc wir alle hvoeter svn sin .
 136v,5 Wan ez ist enhein mensche ime
 136v,6 sie ain sweige bevolhen . Dc sint
 136v,7 die . v . sinne der ez hvoetin sol .
 136v,8 Nv hat vns got ze hvoetern gesezet
 136v,9 vber allv dinch dv vf dem
 136v,10 ertrike sint dc wir hvoeter svn
 136v,11 sin d' dinge dv vnd' vns sint . vn-
 136v,12 der dinge dv neben vns sint v-
 136v,13 d' dinge dv in vns sint . vn- der

137r,1 dinge dv ob vns sint . Wie svn wir
 137r,2 nv hvoetin der dinge dv vnd' vns
 137r,3 sint . Daz lerte vns vnser h're selbe
 137r,4 do er vf ertriche was . da mitte .
 137r,5 dc er lebte mit armvot vn- mit
 137r,6 virsmehde vn- mit groze- gebrestin .
 137r,7 vn- dc er vnder sine fvoeze
 137r,8 trat alle creatvre . vn- alle wonne
 137r,9 dirre welte . die er doh wol mohte
 137r,10 han gehebit ane sinen schade- .
 137r,11 Wan daz er z dar vmbe tet . dc er
 137r,12 vns ain bilder were . dc wir an
 137r,13 ime lernetin . dc wir virsmahe-

137v,1 kondin alle wolnvst vn- ere dirre
 137v,2 welte . Nv sprichet ain meister
 137v,3 dc zweiger hande bervoervnge
 137v,4 sie . Dv aine dv virwandelot in
 137v,5 sih dv dinch dv si bervort . Dv ander
 137v,6 bervoret vn- virwandelot nvt in sih
 137v,7 Dv erste bervorde dv da in sih virwa-delot
 137v,8 dc ist daz fvor . so dc daz holz bervoert
 137v,9 so wirt dc holz virwandelot

- 137v,10 in dc fvr . Daz ist . swel mensche sin
 137v,11 h'ce vn- sin gemvoete an vpigv vn- an
 137v,12 irdenschv dinch lat . also dc er z me
 137v,13 minnot denne got . so wirt er in

 138r,1 sv virwandelot . Dv ander bervorde
 138r,2 ist also dc min hant bervort
 138r,3 dc holz alde ein and' dinch so wirt
 138r,4 ainweders virwandelot in daz
 138r,5 ander . Also svn wir ellv zirgancliken
 138r,6 dinch bervoerin vn- niezin
 138r,7 also . dc vnser minne nit in sv virwandelot
 138r,8 werde . Ze dem and'n
 138r,9 male so svn wir hvoetin der dinge
 138r,10 dv nebin vns sint . dc ist min brvoder
 138r,11 vn- min ebinmensche . den sol
 138r,12 ich minnechlich leren in der gemainde
 138r,13 vn- minneklich berespen

 138v,1 in d' hainliche . vn- minnechlike kestigvnge
 138v,2 in dem capitel . Wan dv
 138v,3 minne sol gan von dem h'cin in
 138v,4 dv wort . vn- von dem wort in die
 138v,5 hant . von d' hant in die rvoete . von
 138v,6 d' rvoete vf den rvggen . von de- ruggen
 138v,7 in dc h'ce . Ze dem driten male
 138v,8 svn wir hvoetin d' dinge dv in vns
 138v,9 sint . Daz ist dc h'ce . wan sant B'nhart
 138v,10 spricht . "mensche hvoete dinez
 138v,11 h'cin wan dar an lit allez din geislich
 138v,12 lebin . wan vnser h'ce sol alleine
 138v,13 bekvmbert sin mit gote . also

 139r,1 daz wir in minnon svn ob allen dingen
 139r,2 vn- fvr ellv dinch . vn- nach
 139r,3 ime ellv dinch . beschaidenlich ." ab'
 139r,4 vnser trost sol alleine an gote ligen .
 139r,5 Des vinden wir aine bischaft an
 139r,6 sant Marivn Magdal- . do si vnsern
 139r,7 herren svoechte in dem grabe vn- do si
 139r,8 sin nit vant do weinote si . Nv
 139r,9 antworte ir ain hailige vn- spricht
 139r,10 "vrovwe wc weinos tv . dv svoechtost
 139r,11 ainen toten vn- hast lebende fvnden .
 139r,12 Dv svoechtost ainen menschen
 139r,13 vn- hast engel fvnden . vn- svoechtost

 139v,1 ainen vn- hast zwene fvnden ." Nv

139v,2 antwrtet dirre hailige ime selb'
 139v,3 an dirre vrovwn stat . vn- sprichet
 139v,4 Ich svoeche nit ainen toten noh der
 139v,5 engel . ich svoeche den der mih geschvf
 139v,6 vn- die engel vn- von dem ellv
 139v,7 dinch ir leben hant . Der ist alleine
 139v,8 ain svoezir trost mines h'cin
 139v,9 vn- miner sele . vn- alle die wile
 139v,10 ich den nit fvnden han so sint
 139v,11 mir alle troste ain mazleidi . Ze
 139v,12 dem vierden male so svn wir hvotin
 139v,13 d' dinge dv ob vns sint . dc sint

140r,1 tvgende . Nv han ich iv geseit
 140r,2 dc der engel pdiot den hvotern .
 140r,3 Dv waz der liebe sant Joh-s ain
 140r,4 hvoeter vnsers herren . Wan er
 140r,5 hat ime grozen schaz enpholhen
 140r,6 Nv enphilt man gerne grozen
 140r,7 vn- getrvwen lvten groze schetze
 140r,8 Der groste schatz der ie wart . daz
 140r,9 ist tvginde . die enphal er ime svnderlich
 140r,10 vn- vzgenomenlich also
 140r,11 dc er sv in ir edili vn- ir wirdechheit
 140r,12 behielt als i got in ingegozen
 140r,13 hat . Daz er ime grozen schatz

140v,1 enpholhen habe . dc merken wir
 140v,2 an siben dingen Bi dem ersten
 140v,3 dc er ime enphal svnd'liche vn- vzgenomen
 140v,4 genade . dc beweret
 140v,5 vns sin name . Wan Joh-s dc sprich;
 140v,6 "gotes genade . Dc ist dc er fvillet
 140v,7 wart mit gotliker vn- vollekomener
 140v,8 genade an alle- sime lebinne ."
 140v,9 Der ander schatz ist sin
 140v,10 lvterv vn- vzgenomnv Reinicheit
 140v,11 die er hate an sele vn- an libe
 140v,12 Der drite schatz ist sin svoeze vn-
 140v,13 sin vollekomnv minne Der . IIII .

141r,1 schatz ist sin hohv wisheit Der . v .
 141r,2 schatz ist dv frvht dc er mit siner
 141r,3 lere alle die kristenheit frvhtber
 141r,4 het gemacht Der . vi . schaz ist dc
 141r,5 ime der segin enpholet wart . dc
 141r,6 wc vnse vrovwe von himelrich in
 141r,7 d' alle segin vn- ellv selicheit beslozen

- 141r,8 waz . Der . vii . schatz ist daz dc
 141r,9 himelrih vn- ellv wonne in ime beslozin
 141r,10 was . Daz wil ich allez abe
 141r,11 lan . vn- wil iv sagen wa von der
 141r,12 gvoete sant Joh-s aine- iegeliken
 141r,13 menschen svoeze vn- minnechlich
- 141v,1 mvoez sin in sine- h'cin . Dc ist von . vii .
 141v,2 sachen Dv erste sache ist dc in got
 141v,3 me minnot danne die andren .
 141v,4 Sit in nv got me geminnot hat
 141v,5 mit vzgenomner minne fvr alle
 141v,6 ander heiligen . so ist dc billich
 141v,7 dc in ain iegelich kristenmensche
 141v,8 me minne denne and' hailigen .
 141v,9 wan min natrve twinget mih dar
 141v,10 zvoe . den min vat' vn- min mvoet'
 141v,11 minnot den mvoez ich me minno-
 141v,12 denne ein andern mensche- . wan
 141v,13 nv wnser h're vnser vat' ist . vn-
- 142r,1 wir in minno- svn ob allen dinge-
 142r,2 so ist dc billich sit er den lieben sant
 142r,3 Joh-s mit svnd'liker vn- grozer mi-ne
 142r,4 geminnot hat . da von mvoez
 142r,5 dc sin . dc er aine- iegeliken menschen
 142r,6 svoeze vn- minnechlich sie in
 142r,7 sine- h'cin . me danne dehain hailige .
 142r,8 Daz and' ist da von er vns
 142r,9 svoez vn- minnechlich sol sin me de-ne
 142r,10 dehain hailige . dc ist von der
 142r,11 grozvn minne die er ze vns hat
 142r,12 me danne die andern . Des vinden
 142r,13 wir ain vrkvnde an sinen
- 142v,1 bvoechen . Wan er hat drv grozv
 142v,2 bvoch geschriben . vn- ist enhein blat
 142v,3 er mane vns dr an . daz wir einander
 142v,4 minnegen . vn- sprichet . "kint
 142v,5 minv minno-t ainandrv vn- ha-t
 142v,6 ainandrv lieb ." Also vol wc sin h'ce
 142v,7 grozer minne gegin vns . dc er
 142v,8 sih nit enthalte- mohte er mvoesi
 142v,9 diz wort also diche sprechin .
 142v,10 Nv pdiot der selige bapst Leo vo-
 142v,11 disem minnechlike- hailigen vn-
 142v,12 sprach dc sin h'ce rehte were als ein
 142v,13 glvoechdigez kemi da dc fvr allenthalben

143r,1 vz sleht . Also ist von sine-
 143r,2 glvoegenden h'cin vz geslagen dc fvor
 143r,3 der brinnendvn minne vn- het
 143r,4 alle die welt enzvndet mit siner
 143r,5 minne . Daz drite da von wir in
 143r,6 svnd'lih minnon svn . dc ist von der
 143r,7 grozvn hainliki die got z eime
 143r,8 hatte . wan wir vinden nit . dc dehain
 143r,9 hailige alse nah zvoe gote gefvoeget
 143r,10 werde mit reht' hainlichi
 143r,11 alse der liebe sant Joh-s . Nv sprichet
 143r,12 ain meister . daz man allermeist
 143r,13 loben sol dv hohesten dinch

143v,1 vn- dar nah dv miteln dinch . vn-
 143v,2 dar nah dv vndern dinch . Welez
 143v,3 sint nv dv hohesten dinch . Daz
 143v,4 ist der schepher aller dinge den
 143v,5 svn wir loben vn- eren ob allen dingen .
 143v,6 Dar nah dv dinch dv ime allernahost
 143v,7 zvoe gefvoegit sint . alse
 143v,8 vnse vrovwe von himelrih dv Reine
 143v,9 maget . von der er sin menslikvn
 143v,10 natvre nam . da von ist si ime
 143v,11 allernahost zvoe gefvoegit . da vo-
 143v,12 ist billich dc wir si allermeist
 143v,13 loben vn- eren . vn- dc hailige crvce

144r,1 dc alse nah zvoe gote gefvoegit wart
 144r,2 an de- tage do er dar an hiench vn-
 144r,3 erworchte aller menschon hail .
 144r,4 War vmbe sol man nv dc hailige
 144r,5 crvce me eren danne die steine da
 144r,6 er vf trat . Da wrchte er svnd'lich
 144r,7 vnser hail me dar an . denne an
 144r,8 den stein . vn- nah dem hailigen crvce
 144r,9 so sol man allermeist lobon vn- eren
 144r,10 die hailigen vn- svnderlich die-
 144r,11 haligen d' got allernahost zvoe
 144r,12 gefvoeget ist . dc ist der gvoete sant
 144r,13 Joh-s . ime mahton wol and' haililigen

144v,1 hainlich sin . Wir lesen aber
 144v,2 nit dc ime ie dehain hailige alse
 144v,3 hainlich wrde als er . Sit nv dc billich
 144v,4 ist dc man vnser vrovwn die
 144v,5 w'dvn kvniginnvn vn- dc heilige

- 144v,6 crvce eren sol ob allen dingen nah
 144v,7 gote . Dar vmbe dc sv gote allernahest
 144v,8 zvoe gefvoegit wrden . So
 144v,9 ist dc billih dc man den lieben
 144v,10 sant Joh-s ewangelist loben vn-
 144v,11 eren sol ob allen hailigen . wan er
 144v,12 nahe zev gote gefvoegit waz mit
 144v,13 rehter hainlich me danne dehei-
- 145r,1 hailige . Daz merchen wir da bi . Do
 145r,2 vnser h're mit sinen ivngeron ze
 145r,3 mandatv- saz vor siner martir .
 145r,4 Do nam er sant Joh-s vn- naiget
 145r,5 in also lieplich vn- also minneklich
 145r,6 vfen sine brvst . vn- liez in da rvoewe-
 145r,7 vf sine- h'cin . vn- vzzer disem minnechlike-
 145r,8 h'cin daz da ist ain tiefez
 145r,9 abgrvnde aller wisheit . Da tranch
 145r,10 er die gotlikvn wisheit . Nv sprich;
 145r,11 ain hailige dc von Adames rippe
 145r,12 floz ein wazzer . dc intranchte alle
 145r,13 die welt . Dc rippe dc von Adame genomen
- 145v,1 wart . da von wart ein
 145v,2 vrovwe gemachet . vn- von der vrovwn
 145v,3 vnghorsami do wart ein flvoh
 145v,4 gegibin vbir alle die welt . vn-
 145v,5 von de- flvoeche do wart ellv dv
 145v,6 welt virsenchet . Nv ist vns ein
 145v,7 ander wazzer geflozen von dem
 145v,8 rippe vnsers herren . vn- von dise-
 145v,9 lebinde- wazer tranch d' gvoete sant
 145v,10 Joh-s die gotlikvn lere . die er vz
 145v,11 goz in alle die welt . Wan dc die
 145v,12 andern ivngern lerneton in dem
 145v,13 lvfte von dem worte vnsers h're-
- 146r,1 Daz lernet der liebe sant Joh-s
 146r,2 von de- gotliche- h'cin vnsers herren .
 146r,3 dc er
 146r,4 tiefo het geredot von
 146r,5 der gotheit danne ie dehain hailige .
 146r,6 wan sant Avgustinus der sprichet .
 146r,7 dc dv gotheit der kristenheit
 146r,8 iemerme virborgin
 146r,9 mvoese
 146r,10 sin gewesin . wan daz si d' gvoete
 146r,11 sant Joh-s offen hat gemachet

- 146r,12 mit siner lere . aller d' kristenheit
 146r,13 Wan dirre ewangeliste ist der
 146r,14 vier wazer ainez dv da vliezint
 146r,15 vz dem paradise . wan er hat die
- 146v,1 genade gotes wortes gegozen vmbe
 146v,2 den vmbekreiz aller der welte
 146v,3 Daz vierde ist . da von vns der liebe
 146v,4 sant Iohannes minnechlich mvoez
 146v,5 sin . dv gotlich frvht . Disv frvht dc
 146v,6 ist dv hailige mart' vnsers h'ren
 146v,7 Wan von der marter vnsers h're-
 146v,8 sint ellv dinch frvhtber worden
 146v,9 vn- wider braht . wan si ist dc nvtzziste
 146v,11 vn- dc frvhtberste da mite der
 146v,12 mensche mak vmbe gan . Do nv
 146v,13 der liebe sant Joh-s vnder dem crvce
 146v,14 stvont . do trvhte got sine martir
- 147r,1 in sin h'ce vn- in sele . vn- sigelt si in
 147r,2 also dc ellv sinv werch vn- ellv sin
 147r,3 lere frvhtber wart d' hailigvn
 147r,4 kristenhait . Daz . v . ist da von
 147r,5 vns d' gvoete sant Joh-s svoeze vn- mi-nechlich
 147r,6 sol sin fvr alle hailigen .
 147r,7 dc ist dc vnse vrovwe von himelrich
 147r,8 sin mvoet' wart Nv merchant wedir
 147r,9 des engels wort grozer wc alde gotez
 147r,10 wort . Wan vnse vrovwe wart
 147r,11 vnsers h'ren mvoet' von des engels
 147r,12 worte . vn- sant Joh-s mvoet' mit gotes
 147r,13 worte Nv wc diz wort vil grozer
- 147v,1 da von sant Joh-s vnser vrovwn
 147v,2 svn wart danne des engels da von
 147v,3 si gotez mvoet' wart . Wan do vnser
 147v,4 h're an dem crvce stvont . vn- vnse vrovwe
 147v,5 bi ime stvont vn- sant Joh-s . Do sprach
 147v,6 vnser herre "sih mvoet' wa nu din svn ." vn- disv
 147v,7 wort v- dv martir ir lieben kindes
 147v,8 dv sniten dvr ir h'ce vn- dvr ir sele
 147v,9 alse ein swert da von wc er ir lieber
 147v,10 svn . Wan si in mit bit'keit
 147v,11 vn- mit arbeiten gewan . Vnse vrovwe
 147v,12 dv gewan vnsern herren mit
 147v,13 wonne vn- mit vrovde Aber sant
- 148r,1 Joh-s den gewan si mit biterkeit

148r,2 ir hercin vn- ir sele . Da von
 148r,3 sprichet ain meister . dc dv dinch
 148r,4 dv mit arbeiten vn- mit bit'keit
 148r,5 gewnnen w'dent dc dv vil lieber
 148r,6 sint . danne dv man nit alse wol
 148r,7 gearnet Alsvs was sant Joh-s vnser
 148r,8 vrovwen svn mit gotez worte . vn-
 148r,9 ir liebe svn wan sie in wol irarnet
 148r,10 hete . vn- wc ir erbe wan er
 148r,11 hate alle genade vn- alle tvgende
 148r,12 von ir geerbet . Nv het vnser
 148r,13 h're den lieben sant Joh-s erwelt

148v,1 fvr ellv menschen dv got ie geschvof .
 148v,2 dc er ime sin liebv n mvoeter
 148v,3 bevelhe in sin phlege vn- in
 148v,4 sine hvoete . Ah liebe h're sant Johannes
 148v,5 dv hatost die vrovwn in
 148v,6 dime hvse an d' ellv wissagvnge
 148v,7 vollebraht wart . vn- in d' der
 148v,8 ewige segin beslozen waz vn-
 148v,9 dv ain anevanch wc aller selichheit .
 148v,10 Ah wie selich dv nv worde
 148v,11 von der hailicheit der reinvn megede .
 148v,12 wan swer ir hainlich waz
 148v,13 der mvoese deste seliger sin . Sit

149r,1 nv sant Joh-s vnser vrovwn herzlich
 149r,2 lieb wc . wan er ir svn wc
 149r,3 so en darf sich enhain mensche beschamen
 149r,4 er n si ime ovch svnderlich
 149r,5 vn- von h'cin lieb fvr ander hailigen
 149r,6 Daz vi . ist da von in ain ieglich
 149r,7 mensche minnon mvoez . dc ist
 149r,8 sin sele vn- sin lip mit alle- tvginden
 149r,9 zesemen geleit waz . Wan
 149r,10 ein heiden der sprich; dc des mannes
 149r,11 lip d' mit tvginden zesemen
 149r,12 geleit ist . dc die gote nit geliden
 149r,13 mvgin dc er dehain arbeit habe .

149v,1 Wan nv sant Joh-s alsvs dvrgozzen
 149v,2 wc mit allen tvgenden .
 149v,3 Da von wc er also svoeze vn- also
 149v,4 minnechlich . Nv sante der gvoete
 149v,5 sante Dyonisius . dem lieben sant
 149v,6 Joh-s ainen brief vn- grvoezte in
 149v,7 dar an vn- sprach . "Got grvoeze

- 149v,8 diu hailvcr vn- minnechlikv sele"
 149v,9 Vber diz wort sprich; Leo papa
 149v,10 dc sa-t Joh-s alle die welt in sinre
 149v,11 minne habe beslozen . Wan
 149v,12 er nv erfvllet wc mit allen tvgende-
 149v,13 vn- svoeze vn- minnechlich
- 150r,1 Da von schonoton sin drv dinch
 150r,2 dv nie niemans wolton geschonen .
 150r,3 Dc erste da mite sin vnser
 150r,4 h're schonote . Dc waz do ime der
 150r,5 keiser die gift gab ze trinkenne
 150r,6 dc er si an allen schaden tranch .
 150r,7 Vn- do man in sazte in die bvttenvn
 150r,8 des wallenten ovls dc machot
 150r,9 ime vnser h're als svoeze dc ime
 150r,10 was wi er in himeltovwe seze
 150r,11 Dc ander dc sin schonot dc wc d'
 150r,12 tot . dem waz er also svoeze dc er
 150r,13 in nie bervorte mit enheiner
- 150v,1 bitterkeit Daz drite da mite sin
 150v,2 vnser h're schonet . dc wc der gemeine
 150v,3 flvoech der vns allen wart gegeben .
 150v,4 Alse wir von erde sien geschaffen
 150v,5 also mvoezin wir ovch wider
 150v,6 ze asschvn werden . Disem
 150v,7 flvoeche waz sant Joh-s alse svoeze
 150v,8 dc er sin also schonete daz wir lesen
 150v,9 do man sin hailigen lip svoechte in
 150v,10 de- grabe dc man da nit vant
 150v,11 wan himelbrot . Nv ist dc billich
 150v,12 sit dc himilbrot lac an siner stat
 150v,13 in dem grabe da sin lip solte ligen
- 151r,1 Daz wir dc ane zwifel gelovben
 151r,2 dc ovch sin lip in dem himelrich an
 151r,3 himelsbrotes stat sige . Nv svnt
 151r,4 ir ain dinch merken dc alle die
 151r,5 hailigen die svoezes h'cin warn vn-
 151r,6 minnechlich lebton gegin den lvtten .
 151r,7 so die irstvrben daz dero svoezicheit
 151r,8 iemer etwie vil belaip in
 151r,9 dem liebe nah ir tode . vn-
 151r,10 dise hailigen die eret vnse herre
 151r,11 da mite dc sv alle wege lvtselig'
 151r,12 sint gegin den lvtten denne and'
 151r,13 hailigen Alse der gvoete sant Nicolaus

- 151v,1 der wc alse milte vn- alse svoeze
 151v,2 gegin gote vn- gin den lvtē .
 151v,3 die wile er lebte vn- dv svoezichheit
 151v,4 belaip ime nah sine- tode
 151v,5 also dc ol von sime libe flvzit ze
 151v,6 aine- zaichen siner grozvn miltechait .
 151v,7 vn- da von ist er alle wege
 151v,8 der erste den man alle wege
 151v,9 ane rvoefet vnder den hailigon
 151v,10 Also liset man ovch von sant Katherinvn
 151v,11 dc si svoezes vn- miltez
 151v,12 h'cin waz . da von flvzet ovch dc ol
 151v,13 von ir megitlichem liebe ze aine-
- 152r,1 zaichen daz si vns miltechliche
 152r,2 ze halfe wil komen . in allen vnseren
 152r,3 noten . vn- da von ist si alle
 152r,4 wege dv erste die man ane rvoefit
 152r,5 vnder den vrowon . Sit nv
 152r,6 diz alse groz ist dc von dirre hailigon
 152r,7 libe . flvzit dc ol . so ist daz
 152r,8 vil grozer . daz von dem staine d'
 152r,9 nwan rvorte den lip sant Joh-s
 152r,10 daz von dem wahsit himelbrot
 152r,11 dc svoezir ist danne honech ze ainem
 152r,12 zaichen daz er der miltest
 152r,13 vn- der svoezeste mensche waz der
- 152v,1 ie vf dc ertriche getrat . Daz vii .
 152v,2 ist da von der liebe sant Joh-s ainem
 152v,3 iegelichen menschen minnechlich
 152v,4 vn- svoeze mvoz sin . dc ist
 152v,5 daz himelrich vn- ellv wnsrev wonne
 152v,6 in ime beslozen waz . Wenne
 152v,7 waz dc himelrich in ime beslozzē .
 152v,8 Dc was an dem svnnentage
 152v,9 do er virzvchet wart vn- sah in
 152v,10 dem geiste vnsern h'ren . vn- vnser vrown
 152v,11 von himelrich dv was gekronet
 152v,12 mit zwelf sternon vn-
 152v,13 waz geklaidet mit der svnnvn
- 153r,1 vn- was geschemelt mit dem
 153r,2 manen vn- sah die engel vn- die
 153r,3 vier vn- zwenzich alt herren stan
 153r,4 vor dem throne gotez Nv svnt ir nit
 153r,5 wenen dc er diz sehe an dem svnnentage

153r,6 der der ahtode tach ist .
 153r,7 Ez waz dv ewige sunne Got selbe
 153r,8 der lvhte in sine sele vn- in sin h'ce
 153r,9 vn- in dem liehte gab er im z irkenne-ne
 153r,10 dc abgrvnde der gotlikv-
 153r,11 wisheit . vn- offonote ime die himelschvn
 153r,12 tovgini . Sit nv in disem
 153r,13 svoezen vn- minnechliken hailige- .

153v,1 daz himelrich vn- ellv wnne beslozen
 153v,2 waz so mag ime got niht
 153v,3 virzihen Da von svn wir in biten
 153v,4 dc er vns irwerbe vmbe
 153v,5 vnsern h'ren daz wir niemer
 153v,6 von ime gescheiden werden
 153v,7 Des helfe mir vn- iv der vater
 153v,8 vn- der svn vn- der hailige geist .
 153v,9 AM- . Dise pdie tet vns
 153v,10 Brvd' Hvgd' d' lesemaist'
 153v,11 Qvis pvtas pver iste et cetera .
 153v,12 Iv ist allen wol kvnt dc
 153v,13 man hvte aines hailigen tach

154r,1 begat der d' wirdigost vn- der
 154r,2 groste hailige ist der ie geborn
 154r,3 wart vf dem ertriche . Do dirre
 154r,4 groze hailige der gvoete sant Joh-s
 154r,5 bapt- geborn wart . do flvgin dv
 154r,6 mare vf dc gebirge in ivdea vn-
 154r,7 dvr allv dv lant . von den grozen
 154r,8 wndern vn- zaichen dv ze sinre
 154r,9 gebvrte geschahen Disv wnd'
 154r,10 nam- die lvte in irv h'cin vn- vrageton
 154r,11 einander vn- sprachin
 154r,12 Qvis pvtas pver iste et cetera . "Wer
 154r,13 wenent ir dc diz kint werden

154v,1 welle an des gebvrte also grozv
 154v,2 wnder vn- zaichen geschihin
 154v,3 sint ." Dirre vrage wrden vier antwrte
 154v,4 gebin . Die erstvn antwrte
 154v,5 gab der hohe engel Gabriel vn-
 154v,6 sprach . Iste puer magnus cora- d-no
 154v,7 "Diz kint wirt vor gote groz ." mit
 154v,8 disen Worten git er vns vrkvnde
 154v,9 die vzgenomenvn hailicheit
 154v,10 sines hohen lebennes . dc er hate
 154v,11 vf dem ertrich vor allen menscho-

- 154v,12 vn- ovch den grozen vn- vngemezzin
 154v,13 lon . den er in himelrih enphangen
- 155r,1 hat vor allen hailigon
 155r,2 Die andervn antwrte gab vnser
 155r,3 lieb' herre selbe . vn- sprach von
 155r,4 ime diz ist der von dem der wissage
 155r,5 ysayas sprach . Ecce ego mitto
 155r,6 angel-m meu- . et cetera . "Ich sende minen
 155r,7 engel . d' den wech fvr bereite
 155r,8 vor mine- antlvze" Die dritvn
 155r,9 antwrte die gap sin vat' zacharias .
 155r,10 vn- wissagote von ime vn-
 155r,11 sprach . Tv puer proph-a altissimi .
 155r,12 "Dv wirst gehaizen ain kint vn-
 155r,13 ain wissage des oberosten ." Die
- 155v,1 vierdvn antwrte sprach er von
 155v,2 ime selben . Ego vox clamantis
 155v,3 et cetera . "Ich bin ein stimme des rvoefinden
 155v,4 in der wosti ." Nv nemen
 155v,5 wir die erstvn antwrte des engels .
 155v,6 der da sprach . "Er ist groz vor
 155v,7 gote ." Nv ahtot man etliken menschen
 155v,8 groz vor den lvten der doh
 155v,9 gar kleine ist vor gote . Anders
 155v,10 ist ez vmbe den lobliken he'ren
 155v,11 sant Joh-s bapt- . wan vnser h're
 155v,12 von himelrih hat in selbe gelobt
 155v,13 vn- geeret . Des vinden wir aine
- 156r,1 bischaft in aine- alten bvoeche vo-
 156r,2 dem knige Assvevs . der waz alse
 156r,3 rih vn- gewaltich daz er vnd' ime hatte
 156r,4 sibnv vn- zwenzich vn- hvndert
 156r,5 lande der vraget sine wisen Ratgebin
 156r,6 vn- sprach . "Wie sol man den
 156r,7 eren den der knich vzgenomenlich
 156r,8 eren wil ." Do antwrton sv vn-
 156r,9 sprachen . "wan sol ime an legin dv
 156r,10 knichliken kleider . vn- sol ime vf
 156r,11 sin hovbit sezzin die knichlikvn
 156r,12 krone . vn- sol in setzin vf des kniges
 156r,13 ros . vn- sol in fvoerin dvr ellv dv
- 156v,1 lant . vn- sol in setzin dem knige
 156v,2 allernahost . vn- sol man sprechi-
 156v,3 Alsvs eret der knich den er eren

- 156v,4 wil .” Bi disem kvnige ist vns betvtet
 156v,5 vnser lieber h're von himelrih .
 156v,6 der hat ovch geeret sinen
 156v,7 vzerwelten frvnt . den gvoetin sant
 156v,8 Joh-s . Nv liset man von vnserm
 156v,9 h'ren . dc im ane worden geleit .
 156v,10 drier hande kleider . Dc erste daz
 156v,11 wc wiz Dc and' phellolin . Dc drite
 156v,12 dc wc blvotvar vn- hiez cochcinvm .
 156v,13 Disv drv kleit hat ovch

 157r,1 vnser h're ane geleit dem lieben
 157r,2 sant Joh-s Daz wize kleit betvtet
 157r,3 die grozvn Rainhaikheit di er vzgenomenliche-
 157r,4 hate vor allen menschon .
 157r,5 Wan vnser h're der behvoet
 157r,6 in an sele vn- an libe dc er nie masvn
 157r,7 enphienc von dehainer slahte
 157r,8 svnde klain' noh grozer . Sin herce
 157r,9 dc behvoet er ovch also . dc er nie
 157r,10 bervort wart mit dehaine- vpige-
 157r,11 gedanche . Wan sines h'ce rainichheit
 157r,12 hat in an got vn- in dc himelrih
 157r,13 also geheftit . daz er in rvnt . xxx .

 157v,1 iaren von gote nie gewanchte
 157v,2 vn- dc vnser herre alle zit in sine-
 157v,3 h'cin wonete . Sine fvnf sinne waren
 157v,4 ovch also behvot alle zit von d'
 157v,5 genade vnsers h'ren . daz in wedir
 157v,6 dv welt noh enhainer slahte
 157v,7 dinch dc ze der welte horte nit
 157v,8 bervorte . wan liset von Ioseph
 157v,9 daz er gap sinen brvoedern iegelikem
 157v,10 zwo stolan . Ab' Benjamin
 157v,11 d' was sin rehte brvoed' vn- was
 157v,12 ime ovch allerliebtest . de- gab er
 157v,13 . v . stolan vn- drv hvndert phenninge .

 158r,1 Alsvs tet ovch vnser lieber
 158r,2 h're von himelrih dem gvoetin sa-t
 158r,3 Joh-s . wan er sin allerliebester
 158r,4 frvnt wc da von gap er ime
 158r,5 ovch v . stolan vzgenomen . vn-
 158r,6 drv hvndert phenninge . Dv . i .
 158r,7 stole ist dc sin name genomen
 158r,8 wart in de- himel alse vnsers
 158r,9 lieben h'ren . Dv ander stole ist

- 158r,10 dc sin gebvrt gekvndet wart
 158r,11 von dem selbin engil sant Gabriel
 158r,12 d' och die hohvn gebvrt
 158r,13 kvnte vnsers h'ren . Dv . iii . stole

 158v,1 ist dc er geheiligot wart in siner
 158v,2 mvoet' libe . Dv vierde stole
 158v,3 ist dc er dez hailigen geistes irfvllt
 158v,4 wart in siner mvoeter libe .
 158v,5 Dise vier stolen enphiench
 158v,6 er vf dem ertriche . Die fvnftvn
 158v,7 hat er inphangen in dem himelrih .
 158v,8 daz ist dv vrovde der anegesicht
 158v,9 vnsers herren vn- dv geselleschaft
 158v,10 aller hailigon . Joseph der gap ovch
 158v,11 sinen brvoedern drv hvndert phe-ninge .
 158v,12 da bi ist betvtet d' drivalte
 158v,13 lon den sant Joh-s enphange-

 159r,1 hat in himelrich . Hvndertvaltigen
 159r,2 lon von siner Rainekeit
 159r,3 vn- hvndertvaltigen lon von siner
 159r,4 pdie . wan er wc der erste predier .
 159r,5 der dem svnder ie dc himelrih
 159r,6 gehiez . do er sprach . Penitentiam
 159r,7 agite et cetera . "Rviweont vover svnde dc
 159r,8 himelrich ist nahe ." Den driten
 159r,9 hvndertvaltigen lon hat er enphangen
 159r,10 von siner martir . wan
 159r,11 er wc der erste der sin blvoet ie
 159r,12 goz dvr got vn- vmbe die warheit
 159r,13 in der nwiwen ee . Daz and'

 159v,1 kleit daz vnserm h'ren wart an
 159v,2 geleit . dc waz phellorin . Der
 159v,3 phelor ist maniger hande varwe
 159v,4 vn- betvtet die manicvaltigv-
 159v,5 minne die der gvoete sant Joh-s
 159v,6 pabt- vnserm h'ren irzaigte .
 159v,7 Daz erste zaichen der minne ist
 159v,8 daz er ellv dinch dvr in lie . vn- nvt
 159v,9 klainv dinch . wan dv lat man lihtecliker
 159v,10 danne grozv . Er lie dc groze
 159v,11 fvrstentvom ze ierl-m vn- manichvaltigen
 159v,12 rihtvom den er vo-
 159v,13 sinem vat' zacharias solte han

 160r,1 geerbet . Sant pet' lie nit wan

160r,2 ein schif vn- ein netze . vn- sprach
 160r,3 doh . “Herre wir haben ellv dinc
 160r,4 dvr dih gelazen . waz wilt v vns
 160r,5 dar vmbe gebin .” Do antwrte
 160r,6 ime vnser h’re vn- sprach . Swer
 160r,7 dvr mih lat vat’ alde mvoetir
 160r,8 brvoeder alde swest’ kint alde
 160r,9 wirtinne hvs alde hovf aker alde
 160r,10 wise der sol hvndertvalt al
 160r,11 vil enphahen . vn- dc ewige lebin
 160r,12 in himilrih besitzen . vn- mit mir
 160r,13 Rihten an dem ivngesten tage .

160v,1 vber dv zwelf geslehte . Daz and’
 160v,2 zaichen der minne ist . daz er die
 160v,3 ere alle zit vnserm h’ren gap . vn- nvt
 160v,4 ime selben . Wan er wc alse hailiger
 160v,5 wandelvnge vn- alse vollekomens
 160v,6 lebinnes . daz man in dike
 160v,7 vragete . ob er xc were . so gab er
 160v,8 dc lop alle wege vnserm h’ren . vn-
 160v,9 sprach “nain ich . ich bin nit wirdih
 160v,10 dc ich ime sine schvoeriemen
 160v,11 enbinde .” Do sant Joh-s gefangen
 160v,12 lach in dem kercher . do p-diote vnser
 160v,13 h’re vnd’ dannan vn- tet grozv

161r,1 zaichen . vn- volgete ime des lvtez
 161r,2 gar vil nah dc mvoete sant Joh-s
 161r,3 ivng’n . wan er hate vil ivnger .
 161r,4 Wan liset in dem ew-glio daz sant
 161r,5 peter vn- sant Andreas vn- sant
 161r,6 Philippe sant Joh-s ivnger waren
 161r,7 e daz si ze vnserm h’ren kemin .
 161r,8 vn- do sant Joh-s sah dc sv in al sere
 161r,9 minnoto- fvr vnsern h’ren . do sant
 161r,10 er sine ivng’n ze vnserm h’ren vn-
 161r,11 sprach . Tv es qi uenturus e- et cetera . “Bist v
 161r,12 der da kvnftich ist . alde beiten wir
 161r,13 einez andern .” Dise vrage tet sant

161v,1 Joh-s nit dar vmbe dc er an vnserm
 161v,2 h’ren zwifloti alde sin nit irkandi
 161v,3 wan er hat ine . gekvndet vn- gezaigot
 161v,4 mit sine- vinger . do er sprach
 161v,5 “Ecce agnus dei .” Svnder er tet ez dar
 161v,6 vmbe . wan er wol wisse dc vnser
 161v,7 h’ren wandelvnge alse hailich wc

161v,8 vn- sinv wort als svoeze warn vn-
 161v,9 also kreftich swenne sv z ime kemin
 161v,10 dc ir minne gar von ime an
 161v,11 vnsern h'ren gezogen worde . Also
 161v,12 gab er alle zit die ere vnserm
 161v,13 h'ren . Daz drite zaichen der minne

162r,1 ist . dc er gienc von vat' vn-
 162r,2 von mvoet' . vn- dc er mage vn- geselleschaft
 162r,3 vn- trost aller der welte
 162r,4 lie vn- giench in die wosti dc er
 162r,5 sih behvoetin mohti . vor tegiliken
 162r,6 svnden . wan er waz gehailigot
 162r,7 in siner mvoet' libe . dc er hovbitsvnde
 162r,8 nit mohte getvon . tegelich
 162r,9 svnde heti er wol getan do vlohe er
 162r,10 in die wosti dc er sih behvoti vor allen
 162r,11 kleinen vn- lihten svnden vn-
 162r,12 vor vpicheit dirre welte von der
 162r,13 grozvn minne die er ze vnserm

162v,1 h'ren hate . Daz drite kleit dc vnser
 162v,2 h're von himelrih de- grozen herren
 162v,3 sant Joh-s bapt- hat ane geleit
 162v,4 dc waz blvoetvar . vn- betvtit sin
 162v,5 strengiz leben dc er in der wosti hate
 162v,6 vn- sine grozvn martir . Wan liset
 162v,7 daz sin gewant wc von vlfenten
 162v,8 hare . vn- dc er allez sin lebin mit strancheit
 162v,9 v'traib . dc in niht alleine genvoete
 162v,10 Rvhes vn- hertez gewandes . Wir
 162v,11 lesin ovch dc sin spise was nit and's
 162v,12 wan wildezhonech vn- hovstovfel in
 162v,13 diz herte lebin spranch er in sinen

163r,1 kintliken tagen . vn- prediote vn-
 163r,2 lerte mit grozem erniste . vn- mit
 163r,3 sine- gvoetin bilde wiste er die lyte
 163r,4 von ir vnrehtem lebenne . vn- zaigote
 163r,5 in den wek der warheit . wan
 163r,6 sin h'ce waz alle zit begirih die warheit
 163r,7 ze p-dienne vn- ze lerne die
 163r,8 lyte . Dc er den kvnich also ernislich
 163r,9 bestrafte vmbe dc vnreht dc
 163r,10 er bi sines brvoed' wirtinne saz . Dar
 163r,11 vmbe wart ime dv vrovwe also vige-t
 163r,12 dc si den kvnich bat vn- vberwant
 163r,13 dc er den hohen h'ren sant Joh-s

163v,1 hiez enthovpton . Alsvs wart dem
 163v,2 gvoetin sant Joh-s an geleit dc blvotvarwe
 163v,3 kleit mit dem sigenvft siner
 163v,4 marter . Daz and' daz man dem
 163v,5 tvon sol den der kvnich eren wil dc
 163v,6 ist . wan sol ime vf setzin die kvniclichvn
 163v,7 krone . Wan vindet geschriben
 163v,8 dc der gvoete sant Joh-s ewaglist
 163v,9 ein vrovwn sah dv hate ein krone
 163v,10 vf ir hovbte mit zwelf sternen .
 163v,11 ze gelicher wis hat ovch vnser h're
 163v,12 gekronet sinen lieben vn- vzgenommen
 163v,13 frvnt den hohen h'ren sant

164r,1 Joh-s ba-pte mit ein' krone dv hate
 164r,2 ovch zwelf sternen . Der . i . sterne
 164r,3 ist dc er gekvndet wart von aine-
 164r,4 engel . d' ain fvrstenengel waz . wan
 164r,5 der fvrstenengel ampt ist . daz sv enhain
 164r,6 dinch kvndent noh werbe-t
 164r,7 wan daz ain gemain hail ist aller
 164r,8 d' welte . Ab' die andern engel die
 164r,9 vnser phlegint . der wirbet iegelicher
 164r,10 des menschen nvz alleine
 164r,11 des er phliget . Der . ii . sterne ist .
 164r,12 daz er den hailigen geist enphie-c
 164r,13 in siner mvoet' libe . also vollechlike-

164v,1 vn- also kreftichlike- also in die iv-ger
 164v,2 enphiengen an de- Phingestage
 164v,3 do in vnse liebv vrowe irwarb
 164v,4 den hailigen gaist mit ir gebete
 164v,5 also daz sv fvr dc enhain hovbetsvnde
 164v,6 mahton getvon . vn- also kreftich
 164v,7 vn- also starch worden dvr got ze lidenne
 164v,8 allv dinch vn- allez dc sv ane
 164v,9 giench . Also wart ovch der gvoete
 164v,10 sant Joh-s gesterket in siner mvoter
 164v,11 libe . von dem inflvze d' genade
 164v,12 des hailigen geistes wan er wart
 164v,13 irfvllt des hailigen geistes . Also

165r,1 dc er enhein hovbetsvnde mohte
 165r,2 getvon . vn- dc er waz ein lobliker
 165r,3 vorlovfer vnsers h'ren in allem sine-
 165r,4 lebinne vnz vf daz ende . Der
 165r,5 iii . sterne ist . dv manichvaltigen

- 165r,6 wonder siner gebvrte . wan alse dc
 165r,7 ein groz wonder wc . dc ein magit
 165r,8 ein kint gebar . also waz dc ovch ein
 165r,9 vnmvgelih dinch . daz zacharias
 165r,10 sin vater vn- sant Elizabeht an ir
 165r,11 alter kamen dc vnmvgelich wc
 165r,12 daz ein kint von in geborn
 165r,13 wrde . Do wart zacharias gebet

 165v,1 irhoret . Da von haizet er ein kint
 165v,2 des gebetiz . von siner gebvrte beschahen
 165v,3 wnderlichv zaichen an
 165v,4 sine- vat' . Wan er was ein stvmme
 165v,5 gewesin von der stvnde dc ime
 165v,6 d' engel kvnte . dc ein hailigez ki-t
 165v,7 von in geborn solte werden . vnz
 165v,8 an die stvnde dc dem kinde der name
 165v,9 gebin warde Joh-s . ioh-s tvtet
 165v,10 sich alse vil alse gotes genade . Do
 165v,11 wart der vat' redente vn- wart
 165v,12 wissagente vn- sprach . B-dictus
 165v,13 dous devs isrl . et cetera . Der iiiii . sterne ist

 166r,1 dc er ein anebeter waz in siner mvoter
 166r,2 libe do vnsrv liebv vrovwe sa-t
 166r,3 marie ir niftelvn sant Elizabetzv-
 166r,4 grvoezte . do daz kint die stimme
 166r,5 irhorte in siner mvot' . do knvwet
 166r,6 ez nider in siner mvoet' libe vn- betot
 166r,7 an den . der da geginwortich
 166r,8 waz beslozen in vnser liebv vrovwn
 166r,9 libe got vn- mensche mit
 166r,10 wisheit vn- mit gewalte vn- mit
 166r,11 aller selichait . vn- an der stvnde
 166r,12 do wart sant Elizabeht irfvlet
 166r,13 mit dem hailigen geiste . vn- wissagote

 166v,1 vn- sprach . "Benedicta tu in
 166v,2 mulieribus" vn- sprach . "Ex quo facta
 166v,3 e- uox salutationis ." "Wa wart ich
 166v,4 des ie wirdih dc mines h'ren mvoeter
 166v,5 gervochti komen ze mir . wan
 166v,6 alse schiere do dv stimme irschal in
 166v,7 minen oren . do vrovte sih min ki-t
 166v,8 vn- sprach in mine- libe ." vn- beleip
 166v,9 vnse vrovwe bi ir vnz an die stv-de
 166v,10 daz sant Joh-s geborn wart .
 166v,11 Der v . sterne ist . daz vnsrv liebv

166v,12 vrovwe von himelrih der erste
 166v,13 mensche waz der sant Joh-s ie bervorte .

167r,1 wan si hvoeb in vf mit ir
 167r,2 handen vn- trvchte n an ir h'ce .
 167r,3 Ach waz grozer selichait vn- genade
 167r,4 sant Joh-s do enphienc von
 167r,5 der hailigvn bervrde vnser liebv-
 167r,6 vrovwn . Sit man liset . dc die lvte
 167r,7 so selich waren die . die arche in ir
 167r,8 hvse haton . Wie vil seliger waz
 167r,9 do sant Joh-s von der bervrde der
 167r,10 werdvn mvoet' vnser h'ren in d'
 167r,11 da beslozen waz . daz lebinde himelbrot
 167r,12 vnser h're Jesvs xp-c were
 167r,13 got vn- mensche . Wan von ein'

167v,1 iegeliker wandelvng vn- von aine-
 167v,2 iegeliken worte vn- von aine-
 167v,3 iegeliken biwesinne vnser liebv-
 167v,4 vrovwn enphienc er aine svnderliche
 167v,5 hailicheit vn- selicheit an
 167v,6 sele vn- an libe . wan alle die si sahen
 167v,7 ivden vn- heiden die wrden
 167v,8 gebezerot von ir hailiger wandelvng .
 167v,9 Der vi . sterne ist daz
 167v,10 man sinen gebvrtliche- tach begat
 167v,11 in der hailigvn kriste-heit
 167v,12 Die ere vn- die wirdeheit . het
 167v,13 vnser h're enheine- hailigvn me

168r,1 gebin wan ime vn- vnser vrovwn .
 168r,2 Disen sternem hat er gemaine
 168r,3 mit vnser vrovwn der werdvn
 168r,4 kvniginnv- von himelrih .
 168r,5 Der . vii . sterne ist . daz er waz ein
 168r,6 vorlovfer vnser h'ren vn- ein lvhtende
 168r,7 lvcerne dv vnserm h'ren den
 168r,8 wek vor entlvhte mit grozen tvgenden
 168r,9 vn- mit strenghe- lebinne
 168r,10 Wan vnser h're hat selbe von ime
 168r,11 gesprochen . "Er sol mir den wech
 168r,12 beraiten vor mine- antlvze"
 168r,13 Der . viii . sterne ist den sant Joh-s

168v,1 in sin' krone trait . daz er waz der
 168v,2 erste vn- ein svnderliche horer vn
 168v,3 h'ren gotez worte . vn- sprechent

- 168v,4 die hailigen dc vnser h're z ime
168v,5 kam in die wosti vn- in da lert wc
168v,6 er den lvtē pdion solti . wan sant
168v,7 Joh-s waz alse begirich v- bran sin
168v,8 h'ce alse inhiziclike- von der minne
168v,9 vnsers h'ren wort ze horene
168v,10 dc er vnserme h'ren nah gevolget
168v,11 heti vz der wosti vn- niemer von
168v,12 siner sitvn komen were wan daz
168v,13 ez von gote also geordenot waz .
- 169r,1 Daz vnser h're e nit predion wolte .
169r,2 e sant Joh-s vor geprediot . Der
169r,3 viij . sterne ist dc er vnsers h'ren
169r,4 tofver waz . wan also schribet sant
169r,5 mathevs in de- ewagelio . daz vnser
169r,6 h're gienc ze dem Jordane ze sant
169r,7 Joh-s daz er von ime getovfet worde .
169r,8 Do werte sih sant Joh-s vn-
169r,9 sprach . Ego ad te baptizari et cetera . daz
169r,10 sprich; . "H're ich sol von dir getovfet
169r,11 werden . vn- kvmis tv ze mir"
169r,12 do sprach vnser h're . "daz la nv sin ."
169r,13 vns gezimet daz wir irfvllen
- 169v,1 alle rehtichait . An disem hohen vn-
169v,2 hailigen werke widerfvor sant
169v,3 Joh-s dv genade . dv nie enheime
169v,4 hailigen geschach . Er horte des
169v,5 vaters stimme . vn- bervorte den svn
169v,6 mit sinen handen . vn- sah den hailigen
169v,7 geist in ainer tvben gelihnvste .
169v,8 Der x . sterne ist der in
169v,9 sant Joh-s krone lvhtet daz er
169v,10 der erste predier waz . der vnsern
169v,11 h'ren ie gepdiote in der nvwen
169v,12 e . Also schribet von ime der groze
169v,13 h're sant Joh-s ewanglist . in
- 170r,1 sine- ewglio Do ioh-s sah ih-m komen
170r,2 zvoe im . do zeigot er vfen
170r,3 in mit sinen vingern . vn- sprach
170r,4 ze den lvtē . Ecce agnvs die et cetera . sehent
170r,5 diz ist gotez lamp dc da ne-
170r,6 sol vf sih die svnde aller dirre welte .
170r,7 Der XI . sterne ist . dc vnser lieb'
170r,8 herre von himelrih selbe von sant
170r,9 Joh-s pdiote . sit daz groz was . daz

170r,10 sant Joh-s von vnserme h'ren pdiote .
 170r,11 vn- daz reht vn- billich ist . daz
 170r,12 wir alle von im predien so waz dc
 170r,13 vil grozer . vn- ist ain zaichen vzgenomener

170v,1 selichait . dc vnser h're selbe
 170v,2 von sant Joh-s prediote . wan
 170v,3 er sprach ze den lvten . "Wen sahe-t
 170v,4 ir in d' wosti . sahent ir ainen wissagen .
 170v,5 ia er ist me danne ain wissage ."
 170v,6 vn- sprach . Int' natos mvliervm .
 170v,7 et cetera . "Ir sahent den grosten
 170v,8 menschen der von mvoet' libe ie
 170v,9 geboren wart ." Der . xii . sterne ist
 170v,10 sin hohez leben . daz alse hailichlike-
 170v,11 lvhte vor den lvten daz man in dicke
 170v,12 vragete ob er xp-c were . do
 170v,13 sprach er "Ego n- svm xc . Ich en bin

171r,1 nit xp-c Ego vox clamantis . Ich bin
 171r,2 ain stimme des Rvoefinden in der wosti ."
 171r,3 Er ist aber dc ewige wort des
 171r,4 vaters . "Ich bin der Rvoefer . er ist der
 171r,5 richter Ich bin der kneht Er ist d'
 171r,6 herre . Er ist der gemahel ich bin der
 171r,7 frvnt des gemaheln . Ich bin der
 171r,8 morgensterne . Er ist aber dv ewige
 171r,9 svnne . Qui post me uenit . Der
 171r,10 nah mir komen ist . der waz ie
 171r,11 vor mir . vn- en bin ich nit wirdich
 171r,12 daz ich ime sine schvoeRiemen
 171r,13 enbinde ." Alsvs waz sant

171v,1 Joh-s ein lverne dv bran von minne .
 171v,2 vn- lvhte von tvginden dvr alle
 171v,3 welt . vn- waz ein ende der vinstri
 171v,4 in der altvn . e . vn- ain anegege
 171v,5 des liehtes in der nwiwon . e Diz ist
 171v,6 dv kvnichlikv krone mit den
 171v,7 zwelf sternon . da mite vnser h're
 171v,8 gekronet hat den gvoetin sant
 171v,9 Joh-s Dv drite wirdechait die
 171v,10 man dem bieten sol . den d' kvnich
 171v,11 eren sol vn- wil . daz ist . wan sol
 171v,12 in setzin vf des kvnigez Ros . Bi
 171v,13 disem rosse ist betvtet daz hailige

172r,1 ew-glivm dc die vier ewagelisten

172r,2 geschriben hant . der iegelich' svnderlichen
 172r,3 me von ime geschriben
 172r,4 hat . danne von dehaime hailige-
 172r,5 Alse ir hvote wol gehoret hant .
 172r,6 wie sant Lvcas von siner kvndvnge
 172r,7 vn- von siner gebvrte geschriben
 172r,8 hat . vn- sant Math-s sant Marcvs
 172r,9 vn- sant Joh-s selbe von sinem
 172r,10 lebinne vn- von sine- tode geschriben
 172r,11 hant . vf diz kvnichlike Ros hat
 172r,12 in dv gotliche wishait gesetzet . vn-
 172r,13 hat in gefvoeret dvr dv vier ende

172v,1 der welte . vn- hat sinen nam- gebreitet
 172v,2 in aller der welte . wan sin
 172v,3 lebin vn- sin historie ist nit getihtet
 172v,4 von dekainem menschen vf
 172v,5 dem ertrike niht wan von dem
 172v,6 engel vn- von vnserm h'ren selbe- .
 172v,7 vn- von den vier ewaglisten die
 172v,8 von ime geschriben hant die hailicheit
 172v,9 sines lebennes vn- daz
 172v,10 lobelich ende siner martir . Dv
 172v,11 vierde ere die man dem bieten
 172v,12 sol den der kvnich eren wil . daz
 172v,13 ist . er sol vf dem gestvole sitzen

173r,1 dem kvnige allernahist . Nv geschihet
 173r,2 daz diche hie vf ertriche . dc
 173r,3 ein swacher kneht dem kvnige naher
 173r,4 ist . danne ain grave . alde ein
 173r,5 ander groz h're . Alsus ist ez nit vmbe
 173r,6 den lieben h'ren sant Joh-s . wan
 173r,7 er ist vnserm h'ren gote der nehiste
 173r,8 in dem himelrih . von der gelichi
 173r,9 sines lebennes vn- von der selichheit
 173r,10 siner hohen tvginde . die an
 173r,11 ime lvhton mit strengem vn-
 173r,12 mit hertem lebinne . hie vf dem
 173r,13 ertriche . Wan liset von den patriarchen .

173v,1 dc sv kindoton hie vor in d'
 173v,2 altvn e . dar vmbe dc dv kint vnserm
 173v,3 h'ren dienotin . Aber der liebe
 173v,4 h're sant Joh-s der hate alle zit
 173v,5 dar vmbe stet in vliz dc er vnser-
 173v,6 h'ren vil gaislich' kinde gewonne
 173v,7 Wan vnser h're der hat hvte manich

- 173v,8 kint in himelrich vn- in ertriche
173v,9 von der hohvn lere dez grozen
173v,10 h'ren sant Joh-s . Da von ist er
173v,11 irhohet vber alle die patriarche- .
173v,12 Die propheten wissageton vnsers h're-
173v,13 zvoekvnft . aber sant Joh-s der zaigot
- 174r,1 in geginwrtlichlich . vn- kvnte
174r,2 in dc er ain loser solti w'den aller
174r,3 dirre welte . Da von ist er hoher
174r,4 denne dehain prophe . Er ist ovch hoher
174r,5 danne die zwelfboten . wan
174r,6 er waz der erste der ain bilder wc
174r,7 iro strengen lebinnez vn- ir hohvn
174r,8 lere . vn- waz ein licht daz in den
174r,9 wek zaigote der rehtvn warheit .
174r,10 vn- swc wir gvoetis bildes vn- gewerer
174r,11 lere von den boten haben
174r,12 enphangen . daz hate er in . e . allez
174r,13 vor getragen . wan er was ain ortfrvmer
- 174v,1 vn- ain phvnmbevnde alles
174v,2 iro lebennes . Er ist ovch ob allen
174v,3 martirern an wirdicheit vn- an
174v,4 hohem lebinne . wan er waz der
174v,5 erste martirer der sin blvot ie gegoz
174v,6 dvr die warheit in der hailigvn
174v,7 kristenheit . wan er waz ovch
174v,8 der erste an dem dv scharphen
174v,9 swert widerlait wrden . Da von
174v,10 ist er der groste vn- der hohiste martirer
174v,11 in himelrih . wan er lait in
174v,12 allen die martir vor . Ir wizent
174v,13 wol daz ain iegelich dinch deste
- 175r,1 lihter ist ze tvonne . dc vor hin dike
175r,2 geschihin ist . wan ain wech
175r,3 der diche getriben ist . der ist gvot
175r,4 ze genne . Also ist ez ovch vmbe die
175r,5 hailigen die sit die martir hant
175r,6 geliten . den hat d' liebe sant Joh-s
175r,7 dv scharphen swert vn- dv wessin
175r,8 mezsir an im selbir widerlait
175r,9 Da von mahton alle die hailige-
175r,10 marterer vn- die hailigen megide
175r,11 alse sante katherina vn- sant
175r,12 Agnesa vn- manich ander hailige .
175r,13 die die scherphi der martir

175v,1 deste lihtechlich' litten . da von ist
 175v,2 er ob allen marterern . Er hat ovch
 175v,3 den lon ob allen lerern . wan er
 175v,4 der erste lerer waz der von dem
 175v,5 himelrih ie geprediotte . vn- zohc
 175v,6 die lvte ze gote mit siner hailiger
 175v,7 predie vn- mit dem gvoten
 175v,8 bilde sines hailigen lebennes . Da
 175v,9 von wahset sin lon alle zit von
 175v,10 in allen . Er ist ovch ain blvome ob
 175v,11 allen megden von siner vzgenomenvn
 175v,12 selicheit vn- Rainichheit
 175v,13 wan er der erste was der

176r,1 vnser frovwn ie nah gevolgete
 176r,2 an lvter Reinechait sele vn- libes .
 176r,3 Nv hant ir wol virnomen
 176r,4 wie man den eren sol den der kvnich
 176r,5 eren wil . daz man ime an legen
 176r,6 sol des kvniges kleider . vn-
 176r,7 sol ime vf setzin die kvnichlikvn
 176r,8 krone . vn- sol in vf des kvniges
 176r,9 Ros setzin . vn- sol in fvoerin dvr
 176r,10 alle die welt . vn- sol dem kvnige
 176r,11 allernahest sitzen . Alsvs hat
 176r,12 ovch vnser h're von himelrih sin
 176r,13 allerliebisten frvnt sant Joh-s

176v,1 bap-te geeret mit aller wirdicheit
 176v,2 vn- hat in gesetzit ime selber
 176v,3 allernahest ane vnser liebvvn
 176v,4 vrovwn von himelrih . die lat ma-
 176v,5 vz vor allen hailigon . Nv solte
 176v,6 man sagen was er wirdekait
 176v,7 hat enphangen von dem vater
 176v,8 vn- selichait von dem svne vn-
 176v,9 entlvhtvnge von dem hailige-
 176v,10 geiste . vn- wie er die drivalentichheit
 176v,11 nvzet iemerme an ende
 176v,12 daz kvnnen wir ze worten nit
 176v,13 bringen . Wir biten aber den

177r,1 minnechliken got vn- den gvoeten
 177r,2 sant Joh-s des tach hvote ist .
 177r,3 daz er vns helfe . daz wir dar komen
 177r,4 da wir ez von ovgen ze ovge-
 177r,5 sehin vn- wir vns siner selicheit

177r,6 mit ime niezen ewichliche an
177r,7 ende . Des helfe mir vn- ivo der
177r,8 vater vn- der svn vn- der hailige
177r,9 gaist . AMen AMEN .